


O kham hem i balval



Jekh dive, o kham hem i balval ljelje te čhiven pe ko inati jekh jekheja, koj tano pozoralo oljendar.

”Dikheja li okolje manuše telje?” vačerđa i balval e khamese. ”Hajde te dikha koj amendar ka čhivel olje posigate te huljavi i gunja.”

”Nane problemi, počmin tu”, vačerđa o kham e balvalače.

I balval ljelja hez hem phudinđa nakro o manuš. Haričkase šaj hine te peravi oljestar i gunja. I balval dikhlja so hine ola but bari šansa te peravi e manušesiri gunja, ljelja pana jekh hez te phudel. Akava drom pana pozoralje hem pošudre. Ama, so pobuter phudinđa i balval, odova o manuš pobuter stegindđa piklji gunja. I balval čhindilji hem ljelja te dahini hari.

”Akana moklo redo!” vačerđa o kham hem ljelja te ovel tato.

Sar o kham ulo tato, ađahare o tatipe huljislo natelje, a hem o manuš ljelja te znojinel pe. O manuš našti hine ičersalo ando but baro tatipe hem kokri huljavđa piklji gunja. O manuš čhivđa piklji gunja talji kakh hem đelo pe drumoja.

I balval mislinđa soj tani oj pozoralji ando kham, ama na čhivđa ki godi so o kham šaj hem đandipaja te ovel zoralo!

Purani paramiz andi Rusia